

ցին առ նա , և 'ի կարգս բանից յառաջ բերեալ զՀայս ա-
սէր , թէ զի՞նչ գործեն դոքա յերուսողէմ , և յո՞ յուսա-
ցեալ են , զի երկիցս գրեաց Կուսակալն քակել և բառնալ
զիրան , զոր սահմանեցին , նոքա անաստ գտեալ հրամա-
նին՝ յուսացան 'ի Դատաւորն Մուսայ , որ դատապարտեալ
չոքաւ յաքսորս , այլ 'ի մտանել իմում յերուսողէմ՝ քակեալ
աւերեցից զայն ամենայն և կատարեցից զհրաման տեառն
իմոյ : Եւ նոցա զարհուրեալ 'ի բանից նորա ոչ կարացին
տալ պատասխանի որպէս արժան էր , միայն խոստացան
ծանուցանել զայն ամենայն ծերունեացն Հայոց . և Իսրա-
հիմ յանձն արար նոցա լինիլ միջնորդ եւ տնօրինել ինչ :
Եւ նոցա դարձ արարեալ անտի պատմեցին Պատրիարքին
և Մերունեաց զծանրացասում լինելն Բդեշխին , և զսպառ-
նալիս փոխանակի նորին , եւ ստիպէին զնոսա գրել աղա-
չանս և առաքել զմն 'ի վարդապետաց առ 'ի հաշտ առնել
զերեսս նորա : Սակայն Հայք առ ոչ ինչ համարեցան զըս-
պառնալիս նորա , զի ամենայն ինչ հրամանաւ Արքայի ,
հրապարակաւ և դիտութեամբ ամենեցուն եղեալ էր , նմին
իրի անտես արարին զբանս նոցա , զի եթէ դուք այլազ-
գիւրդ ասեն՝ ոչ կամիք ասել զճշմարտութիւնն , մեք ոչ
երբէք երկնչիմք , այլ զամենայն գրեալ ծանուցանեմք Ար-
քայի և պաշտօնէից նորին : Տեսեալ այլազգեաց զհաստա-
տուն միտս Հայոց , երկեան , գուցէ եւ ինքեանց պատա-
հեսցի ինչ՝ որոյ վասն սկսան յորդորել զՀայս գրել առ
փոխանակ Բդեշխին և շահիլ զմիտս նորա սնտիւք , զի ոչ
կարէ ասեն շիւղ ինչ խախտել յեղելոց : Ապա 'ի սադրելոյ
Հայոց ինքեանք գրեցին առ նա , թէ զբանս ձեր յայանե-
ցաք Մերունեաց , ամենայն ինչ հրամանաւ Արքայի լեալ
ասեն , այժմ որպէս վայելէ մեծութեան ձերում այնպէս
արարէք , և թէ՛ սոքա հպատակ են Օմանեան Պետութեան ,
'ի տուրս և 'ի հարկս առ Բդեշխն ոչ երբէք կասեալ յետս ,
և այլ սոցին նման բանք . գրեաց և ինքն թէ՛ողորոս Պատ-
րիարք գիր ողջունի , և 'ի վերջոյ յաւել ասել՝ գլխաւորք
քաղաքին գրեցին առ ձեզ վասն խնդրոյն մերոյ , յուսամք
վայելել զբարի պարգևս բարեկամութեան ձերոյ : Առա-
քեցին զայսոսիկ գրեանս , այլ զպատասխանիսն ոչ ընկա-
լան : Թէ՛ողորոս Պատրիարք յառաջագոյն գրեալ էր առ